

Acta da Xunta de Escola ordinaria do 22 de xullo de 2024

Anexos:

- I. Convocatoria de Xunta de Escola do 22/07/2024
- II. Asistentes á Xunta de Escola do 22/07/2024.
- III. [Informe da Directora](#)
- IV. Calendario académico e horarios do Máster en Xestión Sostible da Auga para o curso académico 2024/2025
- V. Calendario de exames das titulacións impartidas na Escola de Enxeñaría de Minas e Enerxía para o curso académico 2024/2025
- VI. Guías docentes do Grao en Enxeñaría dos Recursos Mineiros e Enerxéticos e do Grao en Enxeñaría da Enerxía para o curso académico 2024/2025
- VII. Guías docentes do Máster Universitario en Enxeñaría de Minas para o curso académico 2024/2025
- VIII. Guías docentes das materias impartidas na Universidade de Vigo correspondentes ao Máster en Xestión Sostible da Auga para o curso académico 2024/2025
- IX. Rexistro de calidade *RI DE-02 Cadro de mando (curso 2022/2023)*.

Ábrese a sesión ás 12 horas e 30 minutos, en segunda convocatoria, na Sala de Xuntas do Módulo de Dirección da Escola de Enxeñaría de Minas e Enerxía, presidida pola Directora, dona Elena Alonso Prieto, e trátanse os seguintes puntos da orde do día:

1. Aprobación, se procede, da acta da sesión anterior, ordinaria celebrada o 19 de xuño de 2024.

O borrador da acta achegouse por correo xunto coa convocatoria.

A Xunta de Escola aproba, por asentimento, a acta da devandita sesión; esta será publicada na web do centro, na sección Escola / Ordenación Interna / Xunta de Escola, de acceso libre:

<http://minaseenerxia.uvigo.es/gl/escola/ordenacion-interna/xunta-de-escola/>

2. Informe da Directora

O informe da Directora recóllese no [Anexo III](#).

3. Aprobación, se procede, do calendario académico e horarios do Máster en Xestión Sostible da Auga para o curso académico 2024/2025.

A Directora lembra que é un título interuniversitario e que se imparte o segundo curso por primeira vez (prácticas externas e TFM). Sinala que as datas de peche de actas se corresponden ás máis restritivas das 3 universidades.

Cede a palabra a María Araújo, Subdirectora de Planificación e Organización Académica, quen amosa e comenta a proposta de calendario académico e horarios (Anexo IV) que foi achegado con antelación aos membros da Xunta de Escola.

A Xunta de Escola aproba por asentimento o calendario e os horarios.

A Directora agradece o traballo realizado a María Araújo.

4. Aprobación, se procede, do calendario de exames das titulacións impartidas na Escola de Enxeñaría de Minas e Enerxía para o curso académico 2024/2025.

A Directora cede a palabra a María Araújo, Subdirectora de Planificación e Organización Académica, quen comenta a proposta (Anexo V) que foi achegada con antelación aos membros da Xunta de Escola.

Indica que algúns exames están resaltados porque o estudantado aínda non deu o seu visto bo. Mateo Salgado, representante do estudantado, pide desculpas polo retraso e indica que non atopou ningún problema. María Araújo pide que o profesorado revise con detalle as datas dos exames das súas materias por se hai algún erro xa que non houbo tempo para unha revisión coidadosa. Por último sinala que os espazos asignados aínda non son definitivos.

En canto aos exames fin de carreira aclara que, polo de agora, non é posible facer a planificación xa que non se coñecerá o estudantado que pode optar a estes exames ata a última semana de agosto. Sinala que hai marxe porque este ano a devandita convocatoria comeza o 16 de setembro.

Proponse aprobalo condicionado a algún axuste final por erros ou dispoñibilidade de espazos.

A Xunta de Escola aproba a proposta por asentimento.

A Directora agradece a María Araújo o traballo realizado.

5. Aprobación, se procede, das guías docentes do Grao en Enxeñaría dos Recursos Mineiros e Enerxéticos e do Grao en Enxeñaría da Enerxía para o curso académico 2024/2025.

A Presidenta cede a palabra a Francisco Deive, Coordinador do GEE, quen comenta o traballo realizado conxuntamente con Iria Feijóo, Coordinadora do GERME, para a elaboración das guías docentes das dúas titulacións de grao (Anexo VI). Indica que, como a implantación do novo plan destas titulacións rematou o curso pasado, neste curso mantiveron pechadas as guías e fixeron eles mesmos as modificacións solicitadas polas persoas coordinadoras de materia. Tratouse de modificacións puntuais, en menos do 40% das materias, centradas sobre todo no sistema de avaliación e nas materias do programa *English friendly*. Engade que comprobaron fundamentalmente o cumprimento da normativa de avaliación, das PDAs e dos requisitos do programa *English friendly*.

A Xunta de Escola aproba as guías docentes por asentimento.

A Directora agradece a Francisco Deive e Iria Feijóo o traballo realizado.

6. Aprobación, se procede, das guías docentes do Máster Universitario en Enxeñaría de Minas para o curso académico 2024/2025.

A Directora lembra que no próximo curso se imparte o primeiro curso do plan novo e indica que o 8 de xullo, como coordinadora do máster, organizou unha sesión informativa coas persoas

coordinadoras de materias para aclarar os principais aspectos a ter en conta na elaboración das guías docentes de 1º curso.

Comenta que houbo problemas co envorcado dos datos (materias, profesorado e persoas coordinadoras incorrectas), polo que o punto de partida do proceso foi moi posterior e o tempo dispoñible resultou escaso.

Sinala que se estableceron os seguintes procedementos

- Materias de 1º análogas a materias do plan vello: importación da guía do curso anterior e adaptación á memoria de verificación do novo plan polas persoas coordinadoras das materias. Estas guías foron supervisadas por Guillermo García, coordinador do 1º curso do MUEM.
- Materias de 1º totalmente novas: elaboración da guía dende cero polas persoas coordinadoras das materias. Estas guías foron supervisadas por Elena Alonso, coordinadora do MUEM.
- Materias de 2º (plan en extinción): introdución das posibles modificacións por Guillermo García, coordinador do 1º curso do MUEM, sen abrir as guías salvo nos casos nos que se considerase necesario.

A continuación cede a palabra a Guillermo García, coordinador do 1º curso do MUEM, quen sinala que os principais aspectos revisados foron os novos resultados de aprendizaxe de cada materia (coñecementos, habilidades e competencias) e a súa asignación aos resultados previstos nela, a planificación e o seu axuste ás fichas das materias na memoria de verificación, os sistemas de avaliación e os requisitos esixidos ás materias que se incorporaron ao programa *English friendly*.

A Presidenta propón aprobar as guías (Anexo VII).

A Xunta de Escola aproba por asentimento as guías docentes da titulación.

Agradece a Guillermo García o traballo realizado.

7. Aprobación, se procede, das guías docentes das materias impartidas na Universidade de Vigo correspondentes ao Máster en Xestión Sostible da Auga para o curso académico 2024/2025.

A Directora Presidenta cede a palabra a María Araújo, Coordinadora da titulación, quen sinala que as guías docentes achegadas son as correspondentes ás materias que se imparten na Universidade de Vigo (Anexo VIII) e que para as outras materias se inclúen ligazóns ás guías na web do mestrado.

Indica que non tivo problemas con DOCNET salvo algunhas persoas coordinadoras e que só houbo modificacións menores (axustes de contidos, metodoloxías e probas de avaliación) e a incorporación de dúas materias ao programa *English friendly*.

Finalmente sinala os problemas das materias do segundo curso (TFM e prácticas externas), que se imparten por primeira vez. Sinala que as guías recollen os aspectos básicos da memoria de verificación, dado que a normativa específica es instrución queda pendente de aprobar na comisión académica.

A Xunta de Escola aproba a proposta por asentimento.

A Directora agradece o traballo de María Araújo.

8. Aprobación, se procede, do rexistro *R1 DE-02 Cadro de mando (curso 2022/2023)*.

A Directora amosa e comenta en que consiste o cadro de mando e salienta a súa utilidade de cara á elaboración do IRPD; lembra que o centro participa no programa piloto da universidade para a configuración deste novo rexistro. A continuación cede a palabra a Guillermo García, Coordinador de Calidade, quen amosa o documento proposto (Anexo IX) e explica o seu contido e estrutura. Señala que aínda quedan dúbidas en varios indicadores, nos que se agarda a resposta da Área de Calidade, e que polo de agora se deixan sen cubrir.

A Xunta de Escola aproba por asentimento o rexistro.

A Directora agradece a Guillermo García o traballo realizado.

9. Aprobación, se procede, do rexistro *R1 DE-03 Informe de Revisión pola Dirección (curso 2022/2023)*.

A Directora sinala que non foi posible levar a cabo a análise dos datos recollidos no cadro de mando e a elaboración do informe polo que propón pospor a aprobación deste rexistro á próxima sesión.

10. Aprobación, se procede, de documentación relativa ao Plan de Calidade da Escola de Enxeñaría de Minas e Enerxía.

Non hai.

11. Rogos e preguntas.

Non hai.

A Directora lembra que o inicio do curso 2024/2025 será o 9 de setembro, a xornada de benvida o 5 de setembro, e desexa unhas boas vacacións a todos os membros da Xunta de Escola.

Non habendo máis asuntos que tratar levántase a sesión ás 13 horas e 8 minutos do día de hoxe, do que como Secretario dou fe en Vigo, a vinte e dous de xullo de dous mil vinte e catro.

Vº e Prace

A Directora

Elena Alonso Prieto

O Secretario

Guillermo García Lomba



ANEXO I

Convocatoria de Xunta de Escola do 22/07/2024

Asunto: Convocatoria ordinaria de Xunta de Escola

Por orde da súa presidenta, convócase reunión ordinaria da Xunta de Escola da EE de Minas e Enerxía para o luns 22 de xullo 2024, na Sala de Xuntas do módulo de Dirección, ás 12:00 horas en primeira convocatoria e ás 12:30 horas en segunda, para tratar os seguintes puntos da orde do día:

- 1) Aprobación, se procede, da acta da sesión anterior, ordinaria celebrada o 19 de xuño de 2024.
- 2) Informe da Directora.
- 3) Aprobación, se procede, calendario académico e horarios do Máster en Xestión Sostible da Auga para o curso académico 2024/2025.
- 4) Aprobación, se procede, do calendario de exames das titulacións impartidas na Escola de Enxeñaría de Minas e Enerxía para o curso académico 2024/2025.
- 5) Aprobación, se procede, das guías docentes do Grao en Enxeñaría dos Recursos Mineiros e Enerxéticos e do Grao en Enxeñaría da Enerxía para o curso académico 2024/2025.
- 6) Aprobación, se procede, das guías docentes do Máster Universitario en Enxeñaría de Minas para o curso académico 2024/2025.
- 7) Aprobación, se procede, das guías docentes das materias impartidas na Universidade de Vigo correspondentes ao Máster en Xestión Sostible da Auga para o curso académico 2024/2025.
- 8) Aprobación, se procede, do rexistro *R1 DE-02 Cadro de mando (curso 2022/2023)*.
- 9) Aprobación, se procede, do rexistro *R1 DE-03 Informe de Revisión pola Dirección (curso 2022/2023)*.
- 10) Aprobación, se procede, de documentación relativa ao Plan de Calidade da Escola de Enxeñaría de Minas e Enerxía.
- 11) Rogos e preguntas.

Vigo, 12 de xullo de 2024

O Secretario

Guillermo García Lomba

A TODOS OS MEMBROS DA XUNTA DE ESCOLA DA EE DE MINAS E ENERXÍA

CSV : GEN-c650-8fce-9d41-6af7-22bd-c8b0-17d0-375f

DIRECCIÓN DE VALIDACIÓN : <https://portafirmas.redsara.es/pf/valida>

FIRMANTE(1) : GUILLERMO GARCIA LOMBA | FECHA : 12/07/2024 09:36 | NOTAS : F





ANEXO II

Asistentes á Xunta de Escola do 22/07/2024

ASISTENTES Á XUNTA DE ESCOLA DO 22/07/2024

Persoal Docente e Investigador

1. Alejano Monge, Leandro
2. Alonso Prieto, Elena
3. Araújo Fernández, María
4. Cabeza Simó, Marta
5. Deive Herva, Francisco Javier
6. Domínguez Santiago, Ángeles
7. Eguía Oller, Pablo
8. García Bastante, Fernando
9. García Lomba, Guillermo
10. Giráldez Pérez, Eduardo
11. González Rodríguez, Elena
12. Liz Marzán, Eduardo
13. Patiño Vilas, David
14. Pérez Orozco, Raquel
15. Pérez Pérez, M^a Carmen
16. Pozo Antonio, José Santiago
17. Rivas Brea, Teresa
18. Rodríguez Rodríguez, Ana María
19. Saavedra González, Ángeles
20. Taboada Castro, Javier
21. Vázquez Dorrió, José Benito
22. Vijande López, Javier

Alumnado

23. Salgado Díaz, Mateo

Persoal de Administración e Servizos

24. Romo Pérez, M^a del Carmen

Desculpan a súa ausencia

- Diez Ferrer, José Bienvenido
- Goicoechea Castaño, María Iciar

ANEXO III

Informe da Directora

ANEXO IV

Calendario académico e horarios do Máster en Xestión Sostible da
Auga para o curso académico 2024/2025

ANEXO V

Calendario de exames das titulacións impartidas na Escola de
Enxeñaría de Minas e Enerxía para o curso académico 2024/2025



ANEXO VI

Guías docentes do Grao en Enxeñaría dos Recursos Mineiros e
Enerxéticos e do Grao en Enxeñaría da Enerxía para o curso
académico 2024/2025



ANEXO VII

Guías docentes do Máster Universitario en Enxeñaría de Minas
para o curso académico 2024/2025

ANEXO VIII

Guías docentes das materias impartidas na Universidade de Vigo
correspondentes ao Máster en Xestión Sostible da Auga para o
curso académico 2024/2025

ANEXO IX

Rexistro de calidade *R1 DE-02 Cadro de mando*
(curso 2022/2023)